

Animadversiones systematicae

ex Herbario

UNIVERSITATIS TOMSKENSIS.

Sectionis Tomskensis Societatis Botanicae Rossicae.

Систематические заметки

по материалам

ГЕРБАРИЯ ТОМСКОГО УНИВЕРСИТЕТА.

Издание Томского Отделения Русского Ботанического Общества.

№ 7.

Сентябрь 1928 г.

№ 7.

П. КРЫЛОВ и Г. СУМНЕВИЧ.

Новый алтайский вид ситника.

Species nova altaica generis Junci L.

auctoibus P. KRYLOV et G. SUMNEVICZ.

Juncus Schischkini Kryl. et Sumnev. sp. n. Rhizoma abbreviatum, caules multos fasciculosque foliorum emittens et caespites densos formans. Caules cylindrici sulcati 6—17 cm. alti et 0,3—0,5 mm. crassi, in parte inferiore foliis 1—2 (1—4 cm. long.) praediti. Folia basilaria longa, plerumque dimidium caulem aequantia, cylindrico-filiformia intus cava, extus canaliculata ca. 0,3—0,6 mm. lata, superne attenuata et ad apicem cartilagineo-obtusiuscula, basi vaginata; vagina margine rubiginoso-membranacea superne in auriculas duas lanceolatas vel rotundatas producta. Inflorescentia terminalis simplex compacto-capitulata, 2—5 flora; flores brevissime pedicellati vel sessiles; bractea infima interdum foliacea, basi rubiginoso-vaginantia lanceolata vel lineari-lanceolata aristulato-acuminata albido-marginata inflorescentiam subaequans vel parum brevior; bracteae reliquae bini brunnescentes membranaceae ovatae obtusae vel breviter cuspidatae 3—7 mm. longae et 2—3 mm. latae, capitulum subaequilongae. Tepala pallide straminea lanceolata ca. 6 mm. longa et 1,5 mm. lata, externa acuta parum longiora quam interna submutica; stamina tepalis breviora. Capsula fusca nitida trigono-ovalis utrinque attenuata 4—5 mm

lo ga et 1,5—2 mm. lata perigonium aequilonga vel brevior; semina fusiformia 1,2—1,3 mm. longa et 0,2 mm. lata, basi et ad apicem longe albo-caudata.

Nostra species ab *Junco triglumi*, cui affinis, culmo elatiore, inflorescentia pallida (perigonio pallide-stramineo), capsula perigonium aequilonga vel brevior, seminibus minoribus distincta est; ab *J. stygio* differt capsula brevi fusca (nec straminea et perigonio duplo longiore), tepala obscure (nec perspicue) trinervia et seminibus duplo minoribus.

Hab. Altai austro-orientalis. In valle fl. Baschkaus inter rivulos Kavuri et Mokor-Aczik, in arenosis ripariis udis. 5.VIII. 1927 fr. B. Schischkin.—Ad margines paludis in steppa curaica prope ostium rivi Kurai. 18.VI. 1907 fl. V. Veresczagin.—In humidis in valle fl. Sema inter pagos Schebalina et Topuczaja. 17.VI. 1909 fl. et fr. V. Saposhnikov.